


善化縣志



3.

ル 5  
3260  
3



門凡  
號 3260  
卷 3


昭和十七年  
十月十八日  
購求

善化縣志卷之七


公署


此何地也民具爾瞻將爲保障乎將爲繭絲乎自堂以下貴  
賤賢否老幼疾痛疴癢相關生殺在予詛祝在彼朗鑒在上  
簿書填委戴星非喜勞鳴琴非喜逸有條不紊厥惟艱哉志  
公署

縣署圖



公署





縣治屢經更改新志所載與舊志原多不符故既繪今圖仍將康熙二十四年舊圖附列於後以便稽考

雍正元年

上諭州縣

朕惟國家首重吏治爾州牧縣令乃親民之官吏治之始基也  
貢賦訟獄爾實司之品秩雖卑職任綦重州縣官賢則民先受  
其利州縣官不肖則民先受其害膺茲任者當體朝廷惠養元  
元之意以愛民爲先務周察葺屋緩輯鄉里治行果有其實循  
卓自有其名非內聚賄而外干譽謂之名實兼收者也全省吏  
治如作室然督撫其梁棟也司道其垣墉也州縣其基址也書  
曰民惟邦本本固邦甯夫所以固邦本者在吏治而吏治之本  
在州縣苟州縣之品行不端猶基址不立庸有濟乎

皇考臨御六十一年灼知州縣之重特行引見咨詢明試至詳至慎

其有廉能之員每不次超擢以示鼓勵今海內羣黎皆

皇考所懷保也朕膺

宗社重寄思繼

皇考之治功惟爾州縣諸臣俱有父母斯民之責其爲朕立之基址  
以固邦本焉誠能潔已奉公實心盡職一州一縣之中興仁講  
讓教孝教忠物阜民安刑清政簡朕將升之朝宁用作股肱如  
或罔念民瘼恣意貪婪或朘削肥家或濫刑逞虐或借刻以爲  
清或恃才而多事或諂媚上司以貪位或任縱胥吏以擾民或  
徇私逞欲以上虧國帑王章具在豈爾貸與更有任州縣時私  
肥已橐而漫云且俟顯要方立名節者其與初市清名晚而改  
節之人何以異哉至於錢糧關係尤重絲毫顆粒皆百姓之膏

映增一分則民受一分之累減一分則民受一分之澤前有請暫加火耗抵補虧空帑項者

皇考示諭在廷不允其請爾諸臣共聞之矣今州縣火耗任意加增視爲成例民何以堪乎嗣後斷宜禁止或被上司察劾或被科道糾參必從重治罪決不寬貸夫欲清虧空之源莫如節儉正直節儉則用無不足正直則上官不可干以私若腹小民之生以飽上官之貪欲冒不測之罪以快一時之奢侈豈砥礪廉隅爲民父母之道乎爾州縣等官其恪供乃職勿貽罪戾毋謂地遠官卑朕不察其賢否也特諭

縣治 孫志在郡城南元季燬於兵洪武初知縣孟吉移置城內舊茶課提舉司十四年知縣張居仁移置南門外趙宣

尉宅成化十六年知縣盛時移置城內府治東萬厯中知縣馮應鰲陳一鑑唐源前後葺理崇禎乙亥知縣黃承中繼修之癸未燬於兵

國朝順治中知縣孫國泰建康熙十三年吳逆踞城拆燬無存十八年恢復後官皆僦居民房二十一年知縣滕天御於舊址復建二十四年知縣孫謙重修乾隆二年知縣韓宗蕃前後增修中爲大堂即舊志唐源所建樂只堂東爲庫房司餉堂前砌甬道設化字爐一座又於甬道中建立

聖諭牌坊坊東爲吏戶禮東糧屯科西爲兵刑工承發稅課號科次爲二門門內東爲土地祠西爲羈候所門外西爲輪餉投櫃所前爲儀門臨街中爲屏牆即昔盛時所建麗譙樓處唐源改爲撫循保赤坊其制中

為門啟閉旁設兩坊左題大堂煖閣後為川堂再後為廨舍

與聚右題勿施亦各有門西書房明令陳宏乘所建鳴皋

二進川堂東西為書房別署唐源改為寄思園舊址西旁

為驛廡為監禁嘉慶元年知縣張博因苗警於頭門外東西

各建一樓名曰敵樓令捕快輪流值守預為防禦軍器用烏

鎗後改用弓箭十五年知縣謝希閔於二門內東置羈候所

次年知縣褚維章十四年知縣丁淑鑑各修一次道光六年

知縣丁鈺十一年知縣宋宴春各修一次二十三年知縣彭

世昌修理一次二十四年大堂西偏失火拆毀多間知縣王

光廷修理一次自後歷官修理經費均詳府憲

教諭訓導另歸學校

戎廳 孫志在縣治儀門左康熙二十一年縣丞戴三重修

建有大堂煖閣中為甬道右有書吏房前為儀門後為川堂

廨舍一進別舍三間嘉慶二十一年大堂坍塌闔邑紳士重

修是年孫濂蒞任明年借廉二百兩重建二堂川堂花廳書

役房六間儀門頭門照牆添造廨舍八間另舍一間借廉外

捐貲修造

捕廳 孫志在縣治儀門右雍正元年典史顧銓修建亦有

大堂煖閣旁有書吏房有頭門後有廨舍一進

監禁附在典史署頭門右內外十一間另設女禁一間禁卒

八名

駐防 在城隍廟左乾隆十一年建

縣境公署



提督學院 縣西南通志明設湖南提學道順治十八年改

為湖廣提學道康熙四十二年始差翰林院視學為學院雍

正三年始專設湖南學院魏志即舊府署康熙四十七年知

府將舊署改為學院衙門嘉慶十二年因考棚傾頽學憲狄嶽

麓山長羅倡捐重修嗣後嘉慶十二年因考棚傾頽學憲狄嶽

五年頭門外至轅門因天雨水淹加砌麻石

府學教授 府學宮東

府學訓導 府學宮西

布政司 縣東北瀏陽門內康熙三年分駐長沙藩憲于朋

舉建同治七年藩憲李榕重修

理問廳 縣東北藩司署右

總藩庫廳 縣東北原在藩司儀門內嘉慶年間移置西轅

門外

按察司 縣西北端履街即舊儀衛司 國初改巡道司康

熙三年奉裁改設按察司七年臬憲趙日冕建同治十二年

照磨廳 縣東北魚塘

司獄署 一臬司獄在府經歷右 一府司獄在義以成仁巷內

督糧道 縣西黃道街原督學道署康熙二十二年驛鹽道改督糧道同治十二年糧憲夏獻雲重修署西偏勝日

宜園有桐桂山館聽秋聲館延秋亭澄懷軒望嶽樓有碑記

廣盈廳 縣西樊西巷

清軍廳 學院左

糧捕廳 學院右

府經歷 糧捕廳右

長沙協 藩圍後東長街左 同治十年協憲韓殿甲重修

撫標右營遊擊 東魚塘左

協營都司 舊在天心閣後移置馬王街 原署改建書院今為舊城南書院基

存城副府 永慶街 光緒元年千總楊輔賢重修

長邑境內公衙署 附錄

巡撫部院 在城中近北先是駐節沅州兼轄偏橋衛為偏

沅巡撫後偏橋衛割隸貴州始移駐長沙明故藩四將軍府

順治十四年經略洪承疇駐劄建造並建集思堂康熙三年

巡撫周召南繼修並建求莫樓十八年巡撫韓世琦又修嗣

是巡撫趙申喬建

御碑亭巡撫蔣溥建又一村巡撫開泰建雙清亭巡撫范時綬建

豐樂亭巡撫吳榮光建澄湘臺

鹽法長寶道 在萬福禪林右先是長沙府義學旋改為巡

察御史署雍正七年都察院僉都御史李徽充湖南等處觀

風整俗使改為觀風院十年缺裁十二年設驛鹽長寶道始

改為鹽道署驛傳尋改歸按察使驛鹽道改為鹽法長寶道

長沙府 舊在南門內即今學院署康熙四十六年知府崔

岱齊遷建故藩城之東乾隆四年知府馬金門於署東建常

平倉十一年知府呂肅高於儀門內左右建官廳並建扁大

堂顏曰天理國法人情內堂願聞已過道光年間知府呂恩

湛於儀門內建坊書曰爾俸爾祿民膏民脂下民易虐上天

難欺

撫標中軍參將 北門內長邑學宮前康熙二十年遊擊海珠偕本營官弁捐建

左營守備 小東街康熙五十五年建

公館

一在城南五鋪陶公祠

一在城內十二鋪魚塘

一在八都南路暮雲鋪 同治二年被賊燬光緒二年請款修復

一在八都東路南山鋪

一在七都西路望城坡

一在七都西路白箬鋪

縣境各廢署

廢藩城 縣西北 國朝改為長善糧倉雍正年間建萬壽宮於前仍以後城作長善常平漕運

倉場 儀衛司 縣西北 國朝改為巡道司後奉裁康熙三年改為臬署

布政分司 縣西南

察院司 縣西南

鹽庫大使 縣西南

府治 舊在南門內順治四年知府張 宏猷 建後知府任 紹

蘇佳嗣 修葺康熙四十七年知府崔 岱齊 遷建今所

稅課 河伯 遞運 俱縣西河街後裁革

府陰陽學 醫學 俱縣西

暮雲司 縣南知縣唐源建 康熙年裁

善化縣志卷之七終

善化縣志卷之八

賦役 蠲政

周官任地出賦載師任土防曠土也閭師任民防遊民也我朝海澨山陬無不墾之土丁中老幼無不耕之民又復疊蒙聖恩軫念元元大災蠲免小災緩征罔不加恩寬恤丁攤於糧役統於賦尤為立法簡明是以民安耕鑿之天戶鮮追呼之擾其誰不含哺鼓腹奉上急公而頌萬年有道之天下哉志賦役

賦役提綱

賦有民賦 歷代相沿至明楊炎作兩稅法於是秋糧有夏稅  
 者皆用米麥或石折銀二錢五分折納其後折及湖廣諸省行之  
 年始令米一石折銀二錢五分折納其後折及湖廣諸省行之  
 其後概行於天下嘉靖中綱銀一物皆不用矣自是民閒輸  
 納止收本色及折色銀兩折與存留供億諸費以及土貢方物  
 悉並為一條皆計庫歲徵銀折辦於官立法頗為簡便然猶數  
 行數止至萬九千餘年乃盡行之我官更名為奉明廢藩田納  
 朝田租仍一條鞭舊法者謂之額徵有文裁衛屯其田地塘  
 價更起科有屯衛田歸並各屬糧餉較民賦畧輕其田地塘  
 壩地塘仍明籍田之辨地有秋稅塘肥瘠有魚水之中則有  
 丈出額外田民按畝科徵分別起運至天子百官宗藩供  
 首出後皆改額外田民按畝科徵分別起運至天子百官宗藩供  
 之司後皆改額外田民按畝科徵分別起運至天子百官宗藩供  
 布政司轉運至京府州縣以存食與祭祀雜支均徭之用撥  
 運至省會與鄰府州縣以存食與祭祀雜支均徭之用撥

有南有本有折皆定額為加二耗又有運費為里納又有夏稅  
 麥夏稅絲夏稅農桑絲 明時改折征銀顏料有條編銀明初編里應役其給官  
 料銀起自明折征銀顏料有條編銀明初編里應役其給官

者則予優免其役之十成也今均攤於民而役日里甲之役以  
 計者曰均徭免其役之十成也今均攤於民而役日里甲之役以  
 役府州縣均徭免其役之十成也今均攤於民而役日里甲之役以  
 銀差於縣均徭免其役之十成也今均攤於民而役日里甲之役以  
 差則計其役均派於法起厚薄以均適其力後稍變為通計一  
 甚便之計其役均派於法起厚薄以均適其力後稍變為通計一  
 嗣後徵收錢糧但據康熙五十年朝丁冊為常額二年生人丁  
 不加賦一康熙五十年朝丁冊為常額二年生人丁  
 內開除丁新族一丁多者以抵補開丁冊為常額二年生人丁  
 補不除丁新族一丁多者以抵補開丁冊為常額二年生人丁  
 圖之糧多者頂補其餘丁多者以抵補開丁冊為常額二年生人丁  
 善化縣志 卷之八

丁有閑丁 屯丁者衛之所丁也丁亦徵銀自歸並以各屬其所並之州縣大凡歸併長沙衛原額閑丁四十  
 三以上俱於秋糧內帶徵此外另有地畝九釐餉銀 九釐餉者起自  
 明季萬曆四十六年增遼餉三百萬合天下田賦畝加三釐  
 九毫明年復加三釐九毫又明年以兵工二部請復加二釐  
 通前後九釐遂為歲額本朝康熙開滇黔用兵又有湖州  
 經畧洪承疇奏復行之謂之九釐餉又謂之遼餉  
 雜課 明初河泊有門攤商稅牙有班價明初派各工應江南  
 以上三項原係各行戶出辦康熙閒奉 文並遼餉按畝攤  
 征分部起解一切雜稅 雜稅者雜取諸物之費與官店之地租出於漁酒商鋪樹株經紀諸戶不  
 編入丁 糧者 有牙行鹽引 明征丁口歲鈔湖南自藩司郎永清奏  
 程今於省城 當稅田房契稅等均如例徵解 定額儘稅原無  
 設督銷總局 凡田數頃畝分釐毫絲忽微塵纖渺漠茫沙漂灰 凡銀數  
 自兩錢以下與田數同 凡糧數石斗升合勺抄撮圭粒粟

秕舊志尾數皆載今紀大數權度至釐而止量至勺而止奇

零不備書

民戶口 舊志

原額戶口七千五百九十四丁

原開除三千八百六十三丁 康熙四年豁免運夫人丁五  
 十二丁 十一年豁除二三年開除人丁九百一十七丁  
 二十一年 豁除十三年起至十八年止新開除人丁一千五  
 百五十七丁 十九二十二二十五三十三十五四十五五  
 等年七屆編審招 回共入百八十丁

除開除外實在人丁二千零八十五丁零六分九釐 每丁徵銀一錢

入分五釐零實徵丁銀三百八十六兩四錢二分一釐

康熙五十五六十等年審增滋生人丁二十八丁

雍正四九等年審增滋生人丁六丁

乾隆元年六年十一十六二十一二十六三十一等年審增  
滋生人丁二十六丁 以上十一屆共六十  
丁奉 文永不加賦

更名戶口

原額六十四丁

康熙二十一年豁免十三年起至十八年止開除五十二丁  
十九二十三三十三五等年四屆編審招回共三十六丁  
除開除外實在人丁四十八丁三分四釐九毫 照前徵銀實  
徵丁銀八兩

九錢五分  
七釐零

屯戶口

原額四丁

康熙三十三年三十五四十五五十年四屆  
編審額外新增屯丁四丁九分六釐零 每丁徵銀二錢實  
併新增實在屯丁八丁九分六釐零 徵丁銀一兩八錢

康熙五十五年六十等年審增滋生二丁 奉 文永  
不加賦

閑丁戶口

原額三十五丁 每丁徵銀二錢  
實徵丁銀七兩

乾隆二十九三十四等年審增滋生閑丁十二丁 奉 文永  
不加賦

以上民屯更閑共二千一百七十六丁總以康熙五十五年  
三年丁冊定為常額其民屯更名丁銀自雍正七年為始隨

糧帶徵閑丁銀七兩以乾隆三年為始隨糧帶徵 查編審一  
案於乾隆

三十七年奉 文停止以後編冊給牌凡遷移各戶增添丁  
口均於每年十月按期登報改注原冊存縣並造冊申報藩  
臬府三衙門  
聽候抽查

嘉慶二十一年查點舊管滋生實在民屯七萬三千六百六  
十五戶通計大小男婦五十四萬二千一百三十二名口

民上田 每畝八升  
八合科糧

原成熟八百三十一頃六十三畝一分 康熙三十年丈過

更名成熟十七頃零三畝六分五釐八毫 又三十二年

至五十二年止報墾三十三頃九十四畝一分七釐五毫

報墾更名一頃四十四畝七分二釐一毫 五十三年認墾

三百三十一頃六十三畝九分零六毫 認墾更名九頃一

十六畝二分七釐四毫 原明廢藩田塘召民納  
價更名謂之更名田

共科秋糧一萬零七百七十八石七斗八升八合八勺 每石  
照額

併新加絹價顏料派銀四  
錢九分四釐七毫後倣此

共科條銀五千三百三十二兩七錢七分四釐六毫 前明編  
里應役

其類有四皆於秋糧外另派  
本朝均攤於糧百姓便之稱為條餉

共科九釐餉銀一千六百七十六兩零六分三毫 每畝扣派  
九釐始明

萬歷間謂之遼餉  
國初裁後奏復之

共科漕糧正耗米一千九百一十三石八斗零二合九勺 每  
正

米一石加盤脚贈貼米三百九十六石二斗五升二合二勺  
耗米四斗

每正米一石加里納米二升船  
脚米七升二耗贈貼米二斗

共科南糧正耗米一千八百四十五石五斗四升二合七勺

每正米一石加驢脚米折銀二百二十一兩四錢六分七釐  
耗米二斗五升

四毫 每正米一石加驢脚米一斗五  
升每驢脚米一石折銀一兩

民中田 每畝七升  
五合科糧

原成熟五百九十頃三十二畝六分二釐七毫 康熙三十

年丈過更名成熟一十七頃三十九畝三分四釐一毫 又



三十二年起至五十二年止報墾四十頃零三十二畝三分一釐三毫 報墾更名九十二畝八分八釐零 五十三年認墾三百九十八頃六十七畝一分一釐二毫 認墾更名二十一頃八十三畝五分五釐九毫

共科糧八千零二十石零六斗三升七合七勺

共科條銀三千九百六十八兩一錢八分七釐三毫

共科九釐餉銀一千二百四十七兩一錢七分八釐三毫

共科漕糧正耗米一千四百二十三石三斗四升一合七勺

盤腳贈貼米二百九十四石八斗五升七合零

共科南糧正耗米一千三百七十三石二斗四升二合零

驢腳米折銀一百六十四兩七錢九分六釐八毫

民下田

每畝六升二合二勺科糧

原成熟五百七十四頃九十七畝九分六釐一毫

康熙三十年丈過更名成熟二十二頃五十畝三分五釐六毫

又三十二年起至五十二年報墾一十八頃六十二畝

二分八釐七毫 報墾更名四頃四十六畝八分二釐二毫

五十三年認墾九十五頃一十二畝零九釐五毫 認墾更

名一十六頃二十一畝七分八釐四毫

共科糧四千五百五十三石五斗二升五合九勺

共科條銀二千二百五十二兩八錢七分零九毫

共科九釐餉銀七百零八兩零七分四釐三毫

共科漕糧正耗米八百零八石零七升八合 盤腳贈貼米

一百六十七石四斗

共科南糧正耗米七百七十九石六斗三升四合八勺 驢

腳米折銀九十三兩五錢六分零四毫

山水鄉田 每畝五升 三合科糧

原成熟三百頃零一分一釐七毫 康熙三十年更名七十

八頃一十二畝一分八釐 又三十二年起至五十二年止

報墾五頃六十九畝五分 報墾更名四頃七十四畝三分

三釐八毫 五十三年認墾三十八頃五十三畝四分八釐

九毫 認墾更名五十七頃二十六畝八分一釐一毫

其科糧二千五百六十七石一斗三升一合一勺

其科條銀一千二百七十兩零七分九釐七毫

共科九釐餉銀三百九十九兩一錢七分八釐

其科漕糧正耗米四百五十五石八斗三升三合八勺

盤腳贈貼米九十四石三斗七升三合六勺

其科南糧正耗米四百三十九石五斗一升七合五勺

驢腳米折銀五十二兩七錢四分五釐八毫

額內外地 每畝三升三合九勺科糧

原成熟三十頃零四十七畝九分二釐 又成熟額外五十

二頃三十八畝一分五釐一毫 更名十九頃二十八畝二

分九釐六毫 又更名額外二頃五十一畝一分一釐 報

墾更名七畝六分 認墾更名一十四頃一十八畝一分八

釐一毫 認墾稅地二百二十一頃二畝二分一釐 每畝科稅絲二

錢一分八釐桑  
絲三分二釐

其科糧一千四百一十三石一斗八升三合

其科條銀一百九十九兩九錢三分九釐四毫

其科九釐餉銀六十二兩三錢八分九釐八毫

其科漕糧正耗米七十一石七斗一升五合九勺 盤腳贈

貼米一十四石八斗五升六合五勺

其科南糧正耗米六十九石零九升六合六勺 驢腳米折

銀八兩三錢零三釐三毫

該稅絲三百一斤五兩三錢六分一釐二毫 該桑絲四十

六斤三兩一錢五分六釐六毫 秋糧帶派

額內外塘 每畝一升  
二合科糧

原則塘二百零七頃二十六畝七分六釐四毫 更名額外

塘九頃六十三畝零三釐三毫 報墾塘一頃六十一畝四

分六釐四毫 認墾塘九十二頃二十八畝一分三釐一毫

其科糧三百七十七石八斗三升五合六勺

其科條銀一百八十六兩九錢三分四釐七毫

其科九釐餉銀五十八兩七錢五分一釐九毫

其科漕糧正耗米六十七石零五升零五勺

盤腳贈貼米一十三石八斗九升

其科南糧正耗米六十四石六斗九升五合九勺

驢腳米折銀七兩七錢六分三釐二毫

屯田 每畝科糧四升四合四勺  
科餉一分九釐六毫一絲

康熙三十年丈過成熟中則田六百五十頃八十四畝七分零三毫 又三十二年起至五十二年止報墾中則田三十六頃七十八畝三分 五十三年認墾中則田九十一頃二十七畝六分一釐九毫 中則地九頃二十一畝七分三釐九毫 報墾地五十三畝 認墾地三十三畝三分九釐三毫 中則塘壩六十三頃二十六畝二分七釐九毫 報墾塘二十七畝六分七釐 認墾塘壩一十三頃九十三畝二分九釐七毫

共科糧三千八百五十石零九斗三升三合五勺  
共科餉銀一千六百九十九兩五錢九分八釐  
帶派各款

原額實徵丁銀三百八十六兩四錢二分一釐

更名實徵丁銀八兩九錢五分七釐

歸併長沙衛戶口實徵屯丁銀一兩八錢

新增在內

無耗閑丁銀七兩

鹿皮京扛實徵銀四錢零二釐

代編本府河泊所熟鐵實徵銀三十兩零三錢二分零

即今徵收

冊魚都銀

實徵匠班銀二十二兩八錢

以上七項均奉文於田賦內攤徵並無另冊徵輸

通計民屯原額報墾認墾更名額外田地塘壩總共五千零

三十一頃九十一畝五分九釐零

康熙五十九年巡撫王將康熙五十三年認墾之

民屯更名田地塘壩共一千四百五十八畝七分七釐於陸科事案內題請照道州下則陸科

應減秋糧五千六百九十四石九斗六升九合九勺

減條銀一千九百兩零一錢八分五釐二毫

減九釐餉銀五百三十七兩九錢零五釐一毫

減漕糧正耗米一千零一十石六斗二升八合八勺

盤腳贈貼米二百二十八石二斗七升八合

減南糧正耗米九百七十五石零三升六合一勺 驢腳米折銀一百一十七兩零一分一釐二毫

通計各則科糧除減則外實在成熟糧共二萬一千零七石

一斗二升八合零

除減則外實徵漕糧正米二千六百六十二石八斗零二合

三勺 耗米一千零六十五石一斗二升九合 二耗贈貼

米五百三十二石五斗六升零五勺 共米四千二百六十石

全書另正米一石加里納米二升船腳米七升據見在徵收漕規無船腳米七升每正耗米一石加里納米六升共米二百五十五石六斗二升九合共

除減則外實徵南糧正耗米三千五百九十六石六斗九升

三合 驢腳米折銀四百三十一兩六錢二分四釐 此銀每兩將八

錢充餉二錢給解役

通計漕糧南糧正耗米七千八百五十七石一斗七升六合

七勺 漕糧里納米二百五十五石六斗二升九合

南北水腳驢腳共銀八百四十兩零六錢三分 漕糧運兌岳

通州南糧支放長沙協兵丁口糧餘贖米石

每石折銀六錢五分八釐八毫批解糧庫 除減則外實徵條銀一萬一千三百一十兩零八錢九分

實徵九釐餉銀三千六百一十三兩九錢七分

實徵屯餉銀一千六百九十九兩五錢九分八釐

除無徵外實徵民屯更閑丁銀四百零四兩一錢七分八釐

實徵鹿皮京扛漁課匠班銀五十三兩五錢二分二釐

通計條餉民屯更閑鹿皮漁課匠班等項銀一萬七千零八

十二兩零六分九釐

內閑丁銀七兩批解藩庫

起存各款

起運銀一萬三千二百三十八兩二錢七分七釐

批解藩庫彈收

存留銀一千二百九兩七錢五分

坐支俸工役食祭祀等款銀九百四十八兩批解藩

庫四部寺解費等款銀二百六十一兩七錢五分

驛站銀一千八百零五兩六錢二分四釐

其銀原係批解驛鹽道庫縣中支給

銀兩仍赴道庫請領乾隆四十二年將郵傳事務改歸臬司

總理五十年將驛站銀兩批解藩庫嘉慶六年奉文坐

支夫馬工料銀一千二百六十一兩八錢六分九釐

隨漕銀八百二十一兩四錢一分九釐

內除坐支枋木松板庫銀八百一十五兩六錢二分九釐

通計額徵隨正加一耗羨銀共一千七百零七兩五錢零七

釐

內支知縣養廉銀一千二百兩縣丞養廉銀六十兩典史

批解糧庫漕耗銀八十

通計屯餉項下加徵津貼銀共一千二百六十二兩九錢八

分六釐

乾隆四十一年漕運總督嘉題準長沙等軍衛先

另冊編審而所耕屯田較輕民賦亦耕業如故其岳州水衛

軍丁仍挽漕糧南兌北交終年勤與早衛軍丁勞逸懸殊

請將長沙府等屬原裁早衛屯田每畝加征無耗津費銀一

分四釐五毫七絲零幫貼岳州水衛丁船請照漕項之例雖

遇蠲緩不準併停如此調濟在旱衛歲征無多其屯餉較之民賦尚屬有減無增而岳衛民屯疲丁與民共享樂利矣本邑自四十一年起額征銀一千二百六十兩九錢八分六釐批解糧憲道庫彈收

雜稅

鹽引額銷八百引每引納稅銀二分按鹽引近改

舊新牙雜稅其徵銀二百二十九兩三錢零按近年牙稅無

茶引三道稅銀三兩入民糧帶派全數徵完

當舖稅銀每座每年納稅銀五兩按當舖開歇無常不能一定儘徵儘解

牛房田驢二稅銀係儘徵儘解原無定額

闔縣自康熙閒承丈更名認墾後逮今並無丈出報墾田地

塘壩均係照額徵輸

經費各款

俸薪

知縣 俸薪銀六十三兩四錢九分順治十四年裁銀一十八兩四錢九分 存

銀四十五兩

縣丞 俸薪銀四十八兩二錢零二釐順治十四年裁銀八兩二錢零二釐 存

銀四十兩

典史 俸薪銀三十一兩五錢二分

儒學二員 每員俸薪銀三十一兩五錢二分康熙四年裁

裁銀三十一兩五錢二分存銀三十一兩五錢二分訓導已奉復設此存

隆元年教諭訓導始各加品

役食

本府知府 步快十六名 禁子一名 斗級一名每名歲支工食

銀七兩二錢順治九年 共存銀一百零八兩

每名裁銀一兩二錢 本縣 門子二名 阜隸十六名 雍正六年撥給四名工食

及學習作馬快八名 原歲支草料銀八十六兩 步快即民

工食之用 順治十六年奉裁二十名 雍正二年奉裁 轎傘扇夫七

五十名 奉裁三名 乾隆四十四年奉裁二名 以上每名歲支工

名 庫子四名 斗給四名 禁卒八名 食銀七兩二錢均

於順治九年每名 共存銀四百四十四兩

裁銀一兩二錢 每名工食銀六兩又 共銀四十三兩五錢 此

分撥禁卒五名 分賞銀十三兩五錢 共銀四十三兩五錢 係

乾隆四十九年酌添司府二監房屋禁卒等事案內於

通省各屬不當衝途之州縣禁卒內抽減分撥支食

縣丞 門子一名 阜隸四名 馬夫一名 每名歲支工食

治九年各裁 其存銀三十六兩

銀一兩二錢 典史 門子阜隸馬夫 與縣 共存銀三十六兩

儒學 齋夫六名 每名歲支工食銀十二兩 存銀三十六兩 二

齊夫 齊夫 每名歲支工食銀七兩 存銀二十一兩六錢

膳夫二名 每名歲支工食銀二十四兩六錢六分 存銀十五兩三

錢四分

門斗五名 每名歲支工食銀七兩 存銀二十一兩六錢

廩膳科舉旗扁長夫費

廩生二十名 每名歲支米十二錢 共銀一百四十四兩 順治十

銀九十六兩 康熙二年全裁 康熙 共銀四十八兩

二十四年又奉復廩生歲支給 科舉生員以二十四名為率 每名盤纏銀三兩 花紅銀九錢

酒席銀一錢 共銀九十六兩 該銀三十二兩

歲貢生員正貢該盤纏花紅扁額酒席銀十二兩 臨時在於



備用銀內支給正陪二名赴考腳力銀各二兩五錢共銀十七兩二年一貢每年該銀八兩五錢新例府學五年通選縣學十年通選每生給銀一兩臨期於存贖銀內支給見係將銀解司按通省貢生均勻派給  
新舊會試舉人以二名爲率每名給長夫銀二十四兩共銀四十八兩每年一十六兩如遇新中數多本年暫於備用銀內扣支次年照數加編如有甲第出仕卽照減編以免冒支見將銀解司遇會試之年均勻派給

祭費

先農壇 一祭銀一兩六錢 原動支地丁雍正十三年奉文將藉田租穀五年期滿變價存雷辦祭  
社稷壇 春秋二祭銀二十兩 雍正十二年增設  
神祇壇 春秋二祭銀二十兩 雍正十二年增設

文廟 春秋二祭銀四十兩 原額銀二十兩雍正十二年增設銀二十兩 又香燭銀一

兩二錢

關帝廟 春秋誕辰三祭銀一十七兩八錢七分一釐

文昌祠 春秋二祭銀二十三兩八錢三分

崇聖祠 春秋二祭銀八兩 原額四兩乾隆十年補給銀四兩

名宦祠 春秋二祭銀八兩 原額四兩乾隆十年補給銀三兩二錢

天后祠 二祭銀三兩六錢

龍王廟 二祭銀六兩

江神廟 二祭銀四兩五錢六分八釐

火神廟 二祭銀五兩二錢九分

青龍廟 二祭銀三兩六錢

零祭 銀五兩

陶真二公祠 二祭銀三兩

朗公廟 二祭銀四兩

昭忠祠 二祭銀四兩

厲壇 三祭銀一十八兩 原七兩二錢雍正十二 又厲祭米折

銀一兩六錢二分 原八錢四分乾隆十

雜費

鄉飲酒席銀一十兩 原二十兩順治十四年裁銀

各鋪司兵徭編六十五名 每名歲支工食銀一兩八錢五分 永充七十五名

每名歲支工食銀一兩八錢五分 原工食銀十兩一錢六分六釐四毫順

濬灣市渡夫四名 原工食銀十兩一錢六分六釐四毫順 存

銀五兩八分三釐二毫

孤貧養濟二院孤貧五十九名每名歲給布花銀三錢共銀

十七兩七錢乾隆四年奉文照下江例每名日給米一升又

照兵米例每升折給銀六釐

撥運時憲書銀四兩七錢六分零五毫 解費每兩二分五釐

科舉銀 原二十一兩八錢八分 解費每兩二分五釐 該銀五

半存銀十一兩二錢一分三釐 原四錢四分七釐康熙十七年全裁二十三年奉復解費

驛站本府遞運所差船水夫十名 每名歲支銀六兩帶閏 共

存銀七十三兩

南山驛支應銀三十兩

備用銀九十兩先裁銀十二兩六錢存銀七十七兩四錢一

切雜用俱於此項支給康熙十七年全裁於懇賜分別存留  
 等事案內奉文於備用銀內復留府學歲貢花紅旗扁額銀  
 十兩存縣見係將銀解司按通省貢生均勻派給  
 分列各都民田糧餉

一都餉銀一千六百六十八兩三錢九分六釐

二都漕米六百四十四石七斗六升三合

耗米三十八石六斗八升六合

南米五百四十四石八斗三升九合

二都餉銀一千四百一十九兩零四分九釐

三五都漕米六百五十一石二斗九升三合

耗米三十九石零七升八合

南米五百四十九石八斗一升六合

四都餉銀一千四百四十七兩六錢一分七釐

六都餉銀三千二百二十三兩六錢四分九釐

漕米八百五十六石七斗三升二合

耗米三十九石零七升八合

南米七百二十三石零五升三合

七都餉銀二千四百七十五兩六錢九分八釐

漕米六百七十七石八斗三升七合

耗米四十石零六斗七升一合

南米五百七十一石五斗六升四合

八都餉銀三千二百六十五兩三錢四分六釐

漕米八百九十七石九斗六升七合

耗米五十三石八斗九升九合

南米七百五十八石八斗五升三合

九都餉銀一千八百四十三兩五錢九分六釐

漕米五百三十一石五斗三升一合

耗米三十一石八斗九升二合

南米四百四十八石五斗七升二合

分列各都屯田餉銀

一都六十六頃一十八畝五分八釐

餉銀一百三十兩零四錢九分八釐

津費銀九十六兩四錢七分四釐九毫

二都五十三頃一十二畝三分八釐

餉銀一百零四兩八錢零二釐

津費銀七十七兩四錢三分五釐

三都一十七頃五十八畝零九釐

餉銀三十四兩八錢

津費銀二十五兩六錢二分六釐六毫

六都二百一十三頃九十九畝五分五釐六毫

餉銀四百二十一兩九錢

津費銀三百一十一兩九錢二分八釐

七都一百九十五頃七十六畝零一釐

餉銀三百八十五兩八錢九分九釐

津費銀二百八十五兩三錢四分七釐五毫

八都二百八十三頃八十三畝零六釐

餉銀五百五十九兩五錢一分

津費銀四百一十三兩七錢二分二釐五毫

九都一十六頃七十一畝三分七釐九毫

餉銀三十二兩九錢九分九釐

津費銀二十四兩三錢六分二釐六毫

十都一十九頃二十六畝九分四釐三毫

餉銀三十七兩九錢九分一釐

津費銀二十八兩零八分七釐

民囚田

一都楊字十七區楊梅洲田三十畝七分九釐九毫乾隆四

陽塘原佃蔣文斌見佃鄧明

義租穀二十四石六斗九升

一都田字二十八區大塘港口田二十二畝四分三釐水塘一

中五劉秀六見佃李松林

租穀一十八石二斗八升

三都澁字十一區澁衝田一十九畝水塘一口佃民胡士

順見佃胡公五租穀十五石二斗

四都楊字七區澁衝田二十畝七釐五毫水塘一口又半口

佃民陶自遠見田陶大書陶大弱二戶

分種共租穀一十六石一斗

五都梅字一區梅花段流水衝田二十畝佃民劉

眾租穀一十六石

六都林字三十一區茅湖田五十畝水塘三口佃民李勝甫

見佃張國聘李二美二戶分種共租穀四

十石 七都晏字三十二區晏家衝田二十五畝二分六釐三毫水

亭貞租穀一十四石七斗六升

八都古字四十區獨木橋田十畝九分一釐佃民鄒先士見佃周元吉租穀八石六斗二升

十都黃字十二區黃陂田早禾塘尾田二十畝一畝六分佃民周承尚租穀一十七石

三斗八升

以上共租穀一百七十一石零三升

屯四田

六都順字七區馬駒塘田十畝八釐馬駒塘公蔭佃民劉潤籍見佃劉朝潔租穀八石九斗一升

六都柒字一百零五區郭思橋田十五畝佃民劉大翼周仁生劉伏保見佃張其祥租穀

一十三石二斗二升五合

六都長字一百四十九區貫山田十八畝八分二釐水壩二座佃民劉游義劉義錦見佃

成木場租穀十七石七斗六升

七都菱字十區老屋衝田三十四畝八分二釐塘一口壩一座佃民周惟尚周惟能見佃周君拔

租穀三十九斗九升

八都白字二十區謝家壩田三十畝四釐水塘一口壩三座佃民高奇伯見佃楊浣租穀二十

六石四斗五升四合

八都白字二十區羊田田二十五畝佃民李天祿伍孟華劉蒂章見佃劉漢若租穀二十二石

八都白字二十區舟子隴田一十五畝佃民楊達生見佃楊合益租穀十三石二斗三升六合

八都呂字十八區呂塘壩田十畝八石八斗一升九合雷租穀八石八斗一升九合佃民陳志

八都菓字四十八區菓子園田二十畝公塘一口並港水佃民周皇占唐以文見佃蕭添祿

租穀十七石三斗八升

八都菓字四十八區菓子園田十畝水塘一口佃民黃義生見佃張其中租穀八石八斗二

升五合

八都回字二十一區迴龍鋪田十畝六釐佃民李漢臣見佃  
種共租穀入石  
八斗二升五合

以上共租穀一百七十六石五斗五升九合

官字獄田

八都大字十五區田九十六畝租穀一百石內除穀四石交  
銀六兩完餉佃民林萬章官給執照為  
據每年租穀送府司獄以充監卒口糧

蠲政

大清會典順治元年定各直省錢糧照明萬曆開則例其天啟崇

禎時加增者悉予豁免

四年題準編審人丁凡年老殘疾並逃亡故絕者悉予豁免  
十年題準截票之法開列地丁錢糧數目分為限期用印鈐

蓋就印字中截票為兩一給納戶為憑一畱庫櫃  
存驗每逢比較查驗已截者免催未截者追比

十一年

詔順治六七兩年直省地丁本折錢糧拖欠在民者悉予豁免

十二年

詔順治八九兩年直省地丁本折錢糧拖欠在民者悉予豁免

十四年題準訂正全書如地丁先開原額繼開荒亡地丁既  
清次開實徵又次開起存如起運則分別部寺倉口存畱則  
詳載款項細數九釐銀原係明萬曆間徵舊書未載今應  
補入宗祿銀昔入存畱今改起運漕北二糧確查舊額運丁  
行目遵議均平禱甲盜甲昔解本邑今俱改折南漕本折昔  
畱南用今改軍需官員經費定有新規會議裁冗改歸正項  
本邑絹布顏料銀珠銅錫茶蠟等項已經改折者查照督撫  
額定價值開列仍解本色者照刊書價值如數辦解後有續  
增地丁督撫彙  
題聽部查覈  
數與一甲總額相符易於摘追又州縣官不許私室稱兌各

置木櫃排列公衙門首令納戶眼同投櫃以免扣剋又令立  
循環二簿照賦役全書款項急者居先緩者居後按月循環  
徵收又覆準布政司並州縣徵收錢糧  
俱遵部頒法碼稱兌勿令吏胥高下其手

康熙元年

詔直省順治十五年以前民欠各項銀米藥材紬絹布疋等項錢

糧概行蠲免

四年

詔直省順治十六七八等年各項民欠錢糧俱令蠲除

六年題準奉蠲地方官員將應免錢糧取每圖見年里長不  
符結狀分送部科查核如有已徵在官不行流抵次年者有  
不除應蠲分數一概混比侵吞者或經題定蠲免分數後故  
將告示遲延不即通行曉諭者或稱止蠲起運不蠲存畱者  
或於由單內扣除不及蠲額者州縣衛所官俱以違  
侵欺論罪上司不行詳察使災民無告者道府降三級調用  
督撫布政使司降一級調用又題準蠲災流抵如本年蠲  
免填明年次年由單之首如流抵次年者填明第三年由單

之首州縣衛所官不開載確數者議處又題準徵收錢糧  
定限四月完三分之一八月內全完有司不遵定限預徵累  
民不分別欠糧多寡概行鞭朴者該府參處六年題準徵  
收錢糧夏稅定於五六月秋稅定於九十月八年題準直  
省州縣災傷不得以闔境地畝總算分數仍按區圖村莊地  
畝被災分數蠲免十年覆準湖南各官捏報墾荒一時希  
圖紀錄以致百姓包賠錢糧世受  
其累行令該撫查明悉予蠲免

恩詔蠲免直省康熙四五年舊欠地丁等項錢糧

二十年

恩詔康熙十七年以前民欠錢糧該督撫查明具題豁免又奉

上諭積貯為國家大計歲運漕米充實京倉最為緊要旗丁人等  
輓運勤勞宜加存恤朕頃巡行近畿至通惠河一帶見南來漕  
艘旗甲人丁資用艱難生計窘迫深為可憫若不預為籌畫恐



有苦累難支以致沿途遲滯貽誤倉儲所關非細前以軍需浩繁漕運額設錢糧節行裁減今作何酌復款項詳議具奏遵

旨議定將耗贈銀米照舊支給

又議準各省每幫仍給紙割銀二兩江南浙江江西湖廣每石給管夫銀一分江南每船仍給羨餘銀二兩其漕贈蘇松等府每百石給銀十兩米五石浙江每百石給銀二十兩江西每百石給銀三兩米十六石湖廣每百石給米二十石山東河南每百石給銀五兩米五石

二十三年

恩詔江南浙江江西湖廣省分自用兵以來供應繁苦宜加恩恤二十四年所運漕糧著免三分之一自十三年起至二十二年拖欠漕項錢糧著自康熙二十三年起每年帶徵一半以免小民一時並徵之累

二十五年

上諭湖南省二十六年下半年二十七年上半年地丁各項錢糧及二十五年未完錢糧盡行蠲免

二十七年

諭康熙十七年以前民欠漕項銀兩米麥俱著蠲免三十年奉

上諭朕撫馭區宇三十年以來早夜圖維惟以愛育蒼生俾咸臻安阜為念比歲各省額徵錢糧業已次第蠲豁其歲運漕米向來未經議免朕時切軫懷所有京通各倉米穀擲節支給數載於茲今觀歷年儲積之粟恰足供用應將起運漕糧逐省蠲免以紓民力除河南省明歲漕糧已頒諭免徵外湖廣江西浙江

江蘇安徽山東應輸漕米著自康熙三十一年始以次各蠲免一年至江甯京口杭州荊州大兵駐防地方亦應預行積貯著將康熙三十一年起運三十年漕米各截畱十萬石存貯倉廩令該地方官敬慎守視以備需用

三十八年

上諭朕君臨天下撫馭兆人無日不以休養生息爲念嘉惠元元共圖豐樂蠲租賜復時切於懷故從前直隸各省權其緩急先後頻渙恩施今海宇昇平四方無事欲普天率土咸登阜饒惟湖南地方素稱魚米之鄉比來雖年穀順成而民間猶未盡充裕是用格外加恩以綏黎庶所有康熙三十九年湖南通省地丁雜稅等項錢糧著一概蠲免爾部移文該督撫令徧飭所屬

實心奉行家喻戶曉務俾深山窮谷均沾朝廷德惠以副朕愛民如子至意儻或借端徵派澤不下究事覺定行從重治罪

四十二年

上諭偏沅巡撫趙申喬湖南地方介在邊遠之境聞向來官吏積習相仍無藝私徵種種不一計每歲科派有較正供額賦增至數倍者有司徵收錢糧加取火耗又視別省爲獨重百姓窮蹙不支致多流離轉徙非將宿弊逐一剔除無以砥礪官方大甦民困除從前已往諸事姑免察究外爾到地方嚴飭大小屬員痛改前非洗心奉職力減加耗盡革私徵務使流移者復返鄉閭守業者獲安隴畝庶副朕軫念遠省民生至意如仍有藐法不遵重爲民害者卽據實糾參從重治罪

四十四年

上諭朕宵旰勤民厘思愛養惟務減徵寬賦以期實惠黎元間有州縣水旱不登卽詔所司亟議蠲賑其直隸各省每歲應輸額賦有以次第蠲者有頻蠲數年者有將帶徵積欠暫令停徵者凡以蠲除額賦專爲小民樂業遂生一歲以內足不踐長吏之庭耳不聞追呼之擾庶幾休養日久馴至家給戶足而民咸得其所也曩年楚省錢糧雖屢行豁免今已經歷數載未經特蠲因將該省額賦全免一年以示朕加恩優渥之至意湖北湖南康熙四十五年除漕糧漕項外其餘地丁銀米一概免徵舊欠未完者並停輸納爾部移文該督撫令各飭屬員張示徧諭窮鄉僻壤咸得周知儻不肖官吏於額徵之外巧立名色別有科

派私圖肥己者察出定治重罪

四十五年

上諭朕子育黎元日求所以休養利濟之道惟念賜租減賦實有裨益於民生直隸各省錢糧次第全蠲一年者業經數舉獨是歷歲逋賦累積加增舊稅新徵勢難兼辦縱使少寬民力分年帶輸而督令續完仍多拮据朕眷懷及此深切軫恤是用蠲逋已責大沛恩膏俾閭閻獲免追呼官吏亦不罹參罰直隸山東積欠錢糧今年俱係蠲免其山西陝西甘肅江蘇安徽浙江江西湖北湖南福建廣東各省自康熙四十三年以前未完地丁銀二百一十二萬二千七百兩有奇糧十萬五千七百石有奇按數通行豁免或舊欠已完在官而見年錢糧未完足者亦準

抵扣諭旨到日各該撫力行所屬張示徧諭如有不肖有司以完作欠蒙濶銷算及開除不清者該督撫卽行題參治罪

四十九年

上諭朕恭膺

天眷祇承

列祖鴻庥統御萬方子育兆庶塵懷至治宵旰靡甯幸際海宇同風邊隅向化遐邇中外帖然衽席之安是皆仰荷

天地

祖宗福佑之所致也方朕八齡踐祚之初

太皇太后問朕何欲朕對臣無他欲惟願天下治安生民樂業共享太平之福而已迄今五十年矣惓惓此心未嘗一日少釋每思

民爲邦本勤恤爲先政在養民蠲租爲急數十年以來除水旱災傷例應豁免外其直省錢糧次第通蠲一年者屢經舉行更有一年蠲及數省一省連蠲數年者前後蠲除之數據戶部奏報通共會計已逾萬萬朕一無所顧惜百姓足君孰與不足朝廷恩澤不施及於百姓將安施乎朕每歲供御所需概從儉約各項奏銷浮冒亦漸次清釐外無師旅饑餽之煩內無工役興作之費因以歷年節省之儲蓄爲頻歲渙解之恩膏朕之蠲免屢行而無國計不足之慮亦恃此經畫之有素也比來省方時邁已歷七省南北人民風俗及日用生計靡不周知而民所以未盡殷阜者良由承平旣久戶口日繁地不加增產不加益食用不給理有必然朕洞燭此隱時深軫念爰不靳敷仁用甦民

善化縣志 卷之八  
力明年爲康熙五十年思再沛大恩以及吾民原欲將天下錢糧一概蠲免因眾大臣集議恐各處兵餉撥解之際兵民驛遞益致煩苦細加籌畫悉以奏聞故自明年始於三年以內通免一周俾遠近均沾德澤直隸奉天浙江福建廣東廣西四川雲南貴州各省督撫及府尹所屬除漕項錢糧外五十年應徵地畝銀共七百二十二萬六千一百兩有奇應徵人丁銀共一百一十五萬一千兩有奇俱著察明全免並歷年舊欠共一百一十八萬五千四百兩有奇亦俱著免徵其五十一年五十二年應蠲省分至期候旨行民間舊欠旣經豁免嗣後每年額徵錢糧務如數全完儻完不及額或別有虧空託稱民欠則負國甚矣卽責令督撫以下官員償補仍從重治罪夫地方大吏以及監司守令皆與民誼均休戚者也誠克體朕孜孜保赤之懷實心愛養力杜侵牟腴削則閭閻咸得衣食滋殖無有失所而爲官吏者亦聲名俱泰豈非昇平樂利之盛事與

五十年

上諭朕誕膺大統撫育寰區夙夜孜孜不自暇逸凡以爲民也勤圖利濟休養安全卽無水旱之虞時佈寬仁之政蠲租除賦務使遐方率土無不均沾或值雨暘偶愆出帑發粟多方賑恤其有益於吾民者靡弗備舉而亟行之以示朕勤懇周詳之至意前四十九年所頒諭旨申晰甚明原欲將五十年天下錢糧通行蠲免以諸臣集議恐需用兵餉撥解之際兵民驛遞益致煩苦故自五十年爲始三年之內全免一周除將奉天直隸等九

省康熙五十年地丁錢糧一概蠲免及歷年舊欠錢糧一並免徵外山西河南陝西甘肅湖北湖南各撫屬除漕項外五十一年應徵地畝銀共八百四十萬四千兩有奇人丁銀共一百二十萬八千一百兩有奇著查明全免並歷年舊欠共五十四萬一千三百兩有奇亦俱著免徵其五十二年應蠲省分至期候旨行民間舊欠既經豁免嗣後每年徵收錢糧務如數全完儻完不及額或有虧空託稱民欠卽令督撫以下官員償補仍從重治罪該督撫須實心力行期副朕惓惓愛民之至意

五十二年

恩詔海宇承平日久戶口日繁地畝並未加廣宜施寬大之恩共享恬熙之樂嗣後直隸各省地方官遇編審之期察出增益人

丁止將實數另造清冊奏聞其徵收錢糧但據康熙五十年丁冊定爲常額續生人丁永不加賦仍不許有司於造冊之時藉端需索用副朕休養生息之意

五十六年

上諭朕撫馭寰宇五十餘年夜寐夙興爲小民勤求生遂凡率土遠近皆期共享樂利聿成家給人足之休未嘗一日不厯諸懷也數十年以來各省正賦屢經全免歷年積欠亦已蠲徵偶有兩澤愆期或發倉廩散給或截漕糧賑救不惜數萬萬金錢米穀頻沛恩施誠念窮簷之艱慮其至於顛連失所耳近者民力雖已稍紓然念分年帶徵銀兩若不格外優寬則小民一歲所獲分納二年之賦以其贏餘養贍室家斷難充足朕每懷及此

軫惻良深宜更加殊恩通行豁免今將直隸安徽江蘇浙江江西湖廣西安甘肅等八處帶徵地丁屯衛銀二百三十九萬八千三百八十兩有奇概免徵收其漕項雖例不準免亦著破格施恩將安徽江蘇所屬帶徵漕項銀四十九萬五千一百九十餘兩米麥豆一十四萬六千六百一十餘石內免徵各半爾部卽行文該督撫嚴飭所屬實心奉行徧加曉諭俾民間無徵催之累均霑實惠用稱朕撫恤羣黎至意

雍正元年

上諭朕御極以來宵旰憂勤凡有益於民生者無不廣爲籌畫因念國家承平日久生齒殷繁土地所出僅可贍給儻遇荒歉民食維艱將來戶口日增開墾一事於百姓最有裨益但向來開

墾之弊自州縣以至督撫俱需索陋規致墾荒之費浮於買價百姓畏縮不前往往膏腴荒棄豈不可惜嗣後有可開墾之處聽民相度地宜自墾自報地方官不得勒索胥吏亦不得阻撓至陞科之例水田以六年起科旱田以十年起科著爲定例其府州縣官能勸諭百姓開墾地畝多者準令議敘督撫大吏能督率各屬開墾地畝多者亦準議敘務使野無曠土家給人足以副朕富民阜俗之意

雍正六年

上諭諭戶部君民上下之閒休戚相同本屬一體論語曰百姓足君孰與不足是民間之生計卽國計也我朝順治初年凡被荒之地或全免或免半或免十分之三以被災之輕重定蠲數

之多寡凡此多寡不同之數或旋減而旋增皆因其時勢爲之亦非先後互異意爲損益也嘗見地方有司每不願蠲免太多者蓋恐蠲賦則並減其耗羨不利於已耳此貪吏之見也朕嘗謂於蠲免之時有所吝惜而平日不能禁官吏之侵漁是以災黎之脂膏飽奸貪之欲壑矣數十年來雖定三分之例然

聖祖仁皇帝深仁厚澤愛養斯民或因偶有水旱而全蠲本地之租亦且並無荒歉而輸免天下之賦浩蕩之恩不可勝舉而特未曾更改舊例者蓋恐國家經費或有不敷故仍存成法而加恩於常格之外耳朕卽位以來命怡親王等管理戶部事務清查虧空剔除弊端悉心經理數年之中庫帑漸見充裕以是觀之治賦若得其人則經費無不敷之事用沛特恩將蠲免之例加

增分數以惠蒸黎其被災十分者著免七分九分者著免六分八分者著免四分七分者著免二分六分者著免一分將此通行各省知之朕視萬民實爲一體痾瘝念切懷保情殷因思自古無不愛民恤下之人君亦斷無不急公親上之黎庶祇以時勢所值各有不同今就目前國用計之可以加惠吾民使其霑渥澤是以斟酌分數定爲條規儻將來國用益饒更可加增於此數之外假若經費或有不足凡我百姓自然共知體諒踴躍輸將則此例又可變通必不因朝廷格外之恩而遂忘奉公之本念也如此則君民一心上與下各盡其道太和翔洽感格上蒼將見災沴全消雨暘時若豐亨有慶旱澇無聞豈不美與

八年



上諭朕臨御萬方宵旰勤求惟以愛養斯民爲念數年以來除租減賦疊沛恩膏不但旱潦歉收之處蠲賑兼施卽該省年穀順成不須寬賦而朕欲使民力寬裕每加格外之恩蓋國家經費旣敷則藏富於民俾各家給而戶足乃朕之至願也查各省錢糧朕特降諭旨蠲免者已多今次第舉行應及於江西湖北湖南三省著將辛亥年江西湖北湖南三省額徵錢糧各蠲免四十萬兩又念直隸乃畿輔首善之地應沛殊恩山東今歲被水之州縣稍多朕心深爲軫念除二省澇溢地方已加意賑恤並將本年額賦照例蠲免外著將辛亥年直隸山東通省錢糧各蠲免四十萬兩以上五省共免正賦二百萬兩各該督撫應仰體朕心嚴飭有司敬謹奉行務令閭閻均沾實惠儻奉行稍有不善或被官吏侵漁或有衿棍包攬等弊一經發覺必重治其罪並將大小官員嚴加議處

十三年

上諭朕臨御以來加惠元元將雍正十二年以前各省民欠錢糧悉行寬免誠以民爲邦本治天下之道莫先於愛民愛民之道以減賦蠲租爲首務也惟是輸納錢糧多由業戶則蠲免之典大概業戶邀恩者居多彼無業貧民終歲勤動按產輸糧未被國家之恩澤尙非公溥之義若欲照所損之數履畝除租繩以官法則勢有不能徒滋紛擾然業戶受朕惠者十苟損其五分惠佃戶亦未爲不可近聞江南已有向義樂輸之業戶情願蠲免佃戶之租者閭閻興仁讓之風朕實嘉悅其令所在有司

善爲勸諭各業戶酌量寬減佃戶之租不必限定分數使耕作貧民有餘粟以贍妻子若有素封業戶能善體此意加惠佃戶者則酌量獎賞之其不願者聽之亦不得勉強從事此非捐修公項之比有司當善體朕意虛心開導以興仁讓而均惠澤若彼刁頑佃戶藉此觀玩遷延則仍治以抗租之罪朕視天下業戶佃戶皆吾赤子恩欲其均也業戶沾朕之恩佃戶又得拜業戶之惠則君民一心彼此體恤以人和感召

天和行見風雨以時屢豐可慶矣

又奉

恩詔各直省民欠錢糧係十年以上者著該部查奏豁免

乾隆元年

上諭朕聞各省軍田額糧較之民地亦重從前軍田畝數原多嗣後漸次清釐田土亦屢經更易而糧石仍輸舊額自屬苦累大學士等可寄信各該督撫詳加確查將如何定額徵收並革除額外加徵之處密議請旨

十年

上諭我朝

列聖相承深仁厚澤無時不加意培養元元以期家給人足百年以來薄海內外物阜民康共享昇平之福朕臨御天下十年於茲撫育蒸黎民依念切躬行儉約薄賦輕徭孜孜於保治之謨不敢稍有暇逸常守節用愛人之訓凡以爲民也今寰宇敕甯旣鮮糜費之端亦無兵役之耗所有解部錢糧原爲八旗官兵及

京官俸餉之所需計其所給較之宋時養兵之費猶不及十之一二至於各處工程為利民之舉者取給於存公銀兩即朕偶有巡幸賞賚所頒亦復無幾是以在藏尚有餘積數年來直省偶有水旱朕加恩賑濟多在常格之外如前年江南被水撫綏安插計費帑金千餘萬兩凡此皆因災傷補救而沛恩澤者朕思海宇乂安民氣和樂持盈保泰莫先於足民况天下之財止有此數不聚於上即散於下仰惟我

皇祖在位六十一年蠲租賜復之詔史不絕書又曾特頒

恩旨將天下錢糧普免一次我

皇考旰食宵衣勤求民瘼無日不下減賦寬徵之令如甘肅一省正賦全行豁免者十有餘年此中外所共知者朕以繼志述事之

心際重熙累洽之候欲使海澨山陬一民一物無不均沾大澤用是特降諭旨將乾隆丙寅年直省應徵錢糧通行蠲免其如何辦理之處著大學士會同該部即速定議具奏欽此遵

旨議照康熙五十年之例分作三年一次辦理

直隸奉天江蘇西安甘肅福建四川湖南雲南貴州等省地  
丁錢糧共一千四百二十二萬九千餘兩於丙寅年全行蠲免浙  
江安徽河南廣東廣西等省地丁錢糧共八百六十二萬七  
千三百餘兩於丁卯年全行蠲免山東湖北江西山西等省  
地丁錢糧共九百一十九萬二千二百餘兩於戊辰  
年全行蠲免其耗羨畱充地方公用仍循舊例徵收  
又奉

上諭各省蠲免正賦之年若有未完之舊欠仍按期帶徵則民間猶不免追呼之擾著一併停其徵收展至開徵之年令其照例輸納至於有田之家既邀蠲賦之恩其承佃之佃戶亦應酌減

租糧使之均沾惠澤著該督撫轉飭州縣官善為勸諭感發其天良權欣從事則朕之恩施更為周普一切照雍正十三年

諭旨行

又奉

上諭朕特降諭旨將丙寅年各省錢糧通行蠲免以加惠元元經大學士戶部議稱應照康熙五十一年之例將各省分為三年以次豁免朕已降旨允行嗣後該省應免之年或遇水旱等事若不格外加恩則被澤仍有同異未為普遍着將特恩應免之數登記檔冊於開徵之年補行豁免該部即速通行曉諭知之

十七年覆準善化湘陰益陽三縣被旱田畝按分數蠲緩共免銀一千一百七十三兩八錢三分零

十一年

上諭朕愛育黎元格外加恩將各省錢糧普免一次以為休養萬民之計經大臣等酌議國家每年一定之經費皆取資於正賦應將各省分作三年蠲免則經費有賴而先後之間萬民均沾膏澤至於耗羨乃有司養廉及辦理公務之所必需應令照舊輸納朕已允行今思朕之逾格蠲免天下正賦者所以藏富於民且使閭閻之間終歲不聞催科之聲也今正賦既蠲而耗羨又令完納是官民仍有交關猶不免有追呼之擾若將蠲免之年應徵耗羨一並緩至開徵之年按數完納使小民於交官之便完此些須不必兩次伺候於公庭亦體恤民情之意著該部即遵諭行並將公用不敷之處作何撥抵酌議辦理

三十一年

恩詔有漕省分概免漕糧一次

三十四年

上諭邇年辦理進剿緬匪調兵撥餉所經各省及滇省屯駐兵馬承辦軍需雖一切供億俱係動支官項絲毫不以累民但沿途運送夫馬執役服勞未免稍資民力而百姓等急公赴義踴躍可嘉著加恩將雲南辦理軍需地方及永昌騰越普洱三府州明年應徵地丁錢糧蠲免十分之五其直隸河南湖北湖南貴州等省經過各州縣明年應徵地丁錢糧蠲免十分之三欽此三十五年

上諭朕寅承丕緒撫有萬方旰食宵衣無日不以勤恤民依爲念是以勸農省歲減賦蠲徵不靳多費帑金俾閭閻共臻康阜湖

在乾隆十一年丙寅朕御宇周旬肇敷闡澤曾恭依

皇祖普免天下錢糧恩例蠲除直省額徵正賦二千八百萬兩有奇越在三十二年丙戌際當必世興仁益惟比戶饒裕是計復下詔將應徵漕米省分照康熙年例概蠲一次俾各倉箱盈衍倍積耕餘邇年以來寰宇乂甯民氣和樂維

上天孚佑我邦家洵錫康年頌符綏履朕祇膺

昊蒼鴻眷其可不究澤推仁以與我海內元元答茲

嘉貺我國家席全盛之模內外經費度支有盈無縮府庫所貯月羨歲增因思天地只此生財之數不在上卽在下與其多聚在藏無甯使茅檐蔀屋自爲流通迺者仰紹

列祖貽庥化成熙洽爲民藏富欣際斯辰且今年爲朕六十誕辰明

歲恭遇

聖母八旬萬壽普天忭祝慶洽頻年尤從來史冊所未有自宜更沛非常之恩以協

天心而彰國慶茲用乘春頒令誕布陽和著自乾隆三十五年爲始將各省應徵錢糧通行蠲免一次其如何分年遞蠲之處著大學士會同該部卽速詳議具奏

部議湖南地丁錢糧於三十五年全行蠲免

四十二年

上諭前因

聖母萬壽特宏錫類之仁普蠲直省錢糧以昭慶惠朕本欲俟恭祝聖母九旬萬壽之年再溥恩施一次茲者

仙馭升遐此後更無可推廣

慈仁之處見在部庫帑項又積至七千餘萬著再加恩自戊戌年爲始普蠲天下錢糧仍分三年輪免俾寰宇億兆人民咸得共被慈恩永申感慕而朕終天罔極之忱雖不能仰酬萬一庶幾藉茲稍展其如何輪派年分著戶部卽速悉心核奏遵行

部議湖南地丁錢糧於己亥年全行蠲免

五十五年元旦

上諭朕賴

昊蒼眷佑旣逾古稀欣開八袞幸得小康時懷大惕自乾隆十年迄四十二年

特布恩綸普免天下錢糧業經三次矣今歲屆朕八旬壽辰仰荷

天祖貽庥率土稱慶以至梯航重譯祝嘏來庭從古史牒實所罕觀  
是宜廣宣湛闔敷錫兆民用叶崇禱以答

嘉貺著將乾隆五十五年各直省應徵錢糧通行蠲免其如何按  
年輪蠲之處著大學士會部卽速核奏遵行

又奉

旨此次普免錢糧按照各直省額徵銀數將所屬各府州次第搭  
配分作三次按年輪免通計三年一律蠲免較之按省分年蠲  
免各省年分先後不同者似覺恩施早被遠近齊沾一省之中  
應免府州當先儘五十四年災緩之區首先蠲免於災黎更有  
裨益該督撫務須悉心籌畫妥爲分別辦理並督飭所屬實力  
奉行務使編氓均沾渥澤毋令吏胥從中影射侵漁稍滋弊混

以副朕行慶施惠敷錫兆民至意仍令各督撫自行具奏

所有湖南省應免錢糧籌酌題明以岳州常德辰州澧州四  
府州間被偏災永順一府盡屬苗疆距省最遠以上四府一  
州於乾隆五十六年首先蠲免衡州永州寶慶沅州四府屬  
於乾隆五十七年輪免長沙靖州桂陽三府州於乾隆五十  
八年輪免

五十九年

上諭前因六十年乙卯元旦日食上元月食雖薄蝕躔度可以預  
行推測所謂千歲日至可坐而致但稽古史傳所載遇有日食  
月食等事往往下詔求言以示修省朕思

上天垂象固宜戒慎而應天以實不以文與其託諸空言孰若施諸  
實政前已降旨普免天下應徵錢糧俾海宇子民共臻樂利今  
思各省尚有節年民欠及因災帶緩未完銀穀俱應按限徵輸

在小民究因官欠未清未得遂其含哺之樂朕仰邀

昊眷在位六十年寰宇甯謐景運增隆丙辰年卽屆歸政今若於臨御之年覃敷恩賚俾小民節年欠項廓然一清得以戶慶盈甯共游化宇修德愛民孰大於是而修省亦概於是矣以此上應垂象感召休和實屬吉祥盛事所有各省節年正耗民欠及因災緩徵帶徵銀穀著各督撫詳晰查明按照該省所屬之某州某縣實欠在民銀穀若干速行開單具奏到日降旨並著先行將此旨謄黃宣示俾鄉村鎮市咸使周知得以其沾實惠官吏胥役等無從影射侵冒以副朕子惠黎元敷錫延禧俾普天羣黎無一有欠者喜孰大於是該部卽遵諭行

湖南省查明各屬節年並無民欠未完之項亦無因災緩徵

帶徵民欠未完銀數覆 奏於乾隆六十年奉

上諭前經降旨普免天下積欠命各該督撫查明具奏節據各督撫等查奏各省未完節年地耗正糧等項共銀一千七百十餘萬兩糧穀米石等項三百七十五萬餘石零俱已加恩全行豁免內奉天山西四川湖南貴州廣西等省向俱年清年款並無積欠朕臨御六十年普免錢糧四次漕糧三次其餘水旱偏災蠲賑兼施所費帑金不下萬億所有藏富閭閻爲小民謀生計者無微不至此等年清年款省分小民踴躍急公輸將恐後轉以並無積欠未得一體邀恩不足以昭平允所有奉天山西四川湖南貴州廣西向無積欠六省著加恩於下年正賦寬免十分之二該督撫等務宜董率所屬均勻減免酌定章程報部查



核以副朕愷澤頻施恩加無已至意

湖南省籌議長沙寶慶衡州永州郴州桂陽等六府州屬於嘉慶元年減免辰州永順沅州岳州常德靖州澧州等七府州屬於嘉慶二年減免

六十年

上諭朕自臨御以來勤求民隱日有孜孜惟期藏富於民家給人足仰荷

吳蒼眷佑

列祖貽庥寰宇昇平重熙累洽行慶施惠闔澤頻加共普免天下漕糧凡三次地丁錢糧四次其餘遇有偏災隨時蠲賑不下千萬億兩近將各省積欠錢糧概行蠲免又復數千餘萬兩所以子惠元元休養生息者至周且渥今朕紀年慶符周甲丙辰元旦

舉行歸政典禮為嗣皇帝登極初元大廷授受篤祜延釐實為曠古吉祥盛事允宜廣沛恩綸俾薄海羣黎共沾湛愷本欲於新正傳位後降旨但思二月間即屆開徵之期恐遠省接奉稍遲著即將嘉慶元年各直省應徵地丁錢糧通行蠲免以示朕與嗣皇帝愛育閭閻同錫恩施至意其如何按年輪免之處該部查照向例核議具奏施行

部議長沙府屬錢糧於嘉慶三年輪免

嘉慶元年

上諭湖北教匪滋事肆行劫掠焚燬村莊業經官兵屢加剿殺而該省紳士百姓等能知大義團練鄉勇隨同官兵打仗殺賊實屬可嘉湖南省勦捕苗匪見在首逆就獲官兵即抵乾州指日

大功告成第念附近苗疆地方多有被苗匪蹂躪占種田土民人不免失業卽較遠各州縣解運糧餉軍需等事亦不無有資民力朕心深爲軫念宜加渥澤以示體恤除該二省被賊擾累地方業經加恩分別蠲緩外著再加恩將湖北湖南二省來歲應徵錢糧俱行豁免俾被擾失業者得以復其生計而急公出力者亦更資溫飽並著該撫速行騰黃宣示務令鄉村僻壤咸使聞知用示朕惠鮮勞來有加無已至意

部議長沙府屬錢糧於嘉慶六年輪免

四年

上諭

高宗純皇帝

升配禮成自應仰推

皇考恩慈用敷惠闔著於乾隆年間逋欠銀米等項永免追呼用副皇考六十年來子惠元元至意

十四年

恩詔從前各省偏災地方所有借給貧民籽種口糧牛具等項查明實係力不能完者著予豁免

二十三年

上諭嘉慶二十四年爲朕六旬正壽宜先蠲除積逋俾小民戶免追呼共享含哺之樂所有各省節年正耗民欠及因災緩征帶征銀數著各督撫速行開單具奏以次降旨豁免用副朕惠鮮懷保仁壽斯民至意

道光十五年

上諭本年恭逢

聖母皇太后六旬萬壽允宜申錫無疆普蠲逋賦所有各省節年正耗民欠錢糧及因災緩征帶征銀穀並借給籽種口糧牛具及漕項蘆課學租襍稅等項實欠在民者著各督撫速行開單具奏候朕以次降旨全行豁免用副朕錫羨延

釐普惠寰區至意

二十五年

上諭本年恭逢

聖母皇太后七旬萬壽允宜推廣

慈恩覃敷闔澤所有各省節年正耗民欠錢糧及因災緩征帶征銀

穀並借給籽種口糧牛具及漕項蘆課學租襍稅等項著各督撫速行開單具奏候朕降旨全行豁免

二十七年十月

上諭御史恆明奏請嚴禁官墊民欠差墊未完錢糧一摺據稱各省州縣徵收錢糧往往因規避處分墊完民欠以爲起虧挪之漸且有差役墊欠並非該花戶輸將不力竟係書差賠墊爲重利取償地步致畸零小戶僻處編氓更滋重累著直省督撫於官墊名目差墊弊端一體永行禁革如有仍蹈前轍以欠作完挪移規避者責成該管上司嚴行查禁有犯必懲且差役墊欠胆敢向花戶等索重利取償該管州縣不卽查明究辦一經發覺除書役按律治罪外仍將該管州縣從嚴議處以重考職而

恤民隱

咸豐元年

上諭當茲建元肇始之時所有各省節年民欠正耗錢糧及因災緩征帶征銀穀並借給籽種口糧牛具及漕項蘆課學租襍稅等項著將道光三十年以前實欠在民者開單具奏候朕降旨全行豁免

二年十二月

上諭署湖廣總督張奏遵查被賊竄擾各州縣懇將未完錢糧蠲緩一摺湖南道州等各州縣衛本年被賊蹂躪深堪憫惻前經降旨飭令確查茲據查明懇請分別蠲緩加恩着照所請所有被賊竄擾之道州嘉禾郴州江華桂陽州永明永興安仁茶陵

攸縣醴陵長沙善化湘陰甯鄉益陽巴陵岳州衛等十八州縣衛民欠未完咸豐元年二年正耗未完錢糧均準其分別被擾輕重照例蠲緩以紓民力該署督撫卽刊刻謄黃徧行曉諭使實惠及民毋任吏胥舞弊用副朕軫念窮黎至意

是年善化一六七八九都俱被賊擾委員查勘被災情形分別地段被災輕重由縣詳請蠲緩除被災較重應完錢漕得邀蠲免外所有被災較輕者請緩至咸豐四年秋後徵收嗣因民力未紓遞請展至咸豐六年秋後帶征又咸豐三年一六七八九都大水勘計八十八處應徵錢漕因上年賊擾業經查辦蠲緩此次錢漕遞請緩至咸豐五年秋後帶征

咸豐五年軍餉匱竭奉

上諭於漕折等款籌畫等因時則穀價太賤穀每石兌錢五六百文銀每兩兌錢二千零而錢漕陋規又復有加無已南北米

每石征完六兩四五錢餉銀勒收銀一兩只作銀六錢四分  
巡撫駱深憫民生困苦輸納維艱札飭所屬嚴禁浮勒紆民力  
而濟軍需釐定章程並飭永遠遵守如有貪官蠹吏仍行浮  
收勒折苛索害民官從嚴參蠹書立斃杖下

院札 爲特札查辦事照得湖南有漕各屬歷屆依限徵完冬  
兌冬開並無蒂欠乃近年以來欠解頻仍顯係官吏虧挪掩  
飾未必實欠在民疊經札飭該道勒限確提查辦在案本部  
院昨於軍餉匱竭奏請籌撥案內欽奉

上諭於漕折等款設法籌畫等因是本年新漕折價急待湊濟軍  
需斷難延緩而業戶完漕之踴躍全在地方官潔已奉公妥  
籌催辦見在連歲豐登穀價太賤如往歲石穀糶錢千餘文

今則僅得其半且銀價又昂每錢千文只得足紋四錢五六  
分是出入兩形其虧損農民生計艱窘可知官其地者應如  
何體察情形嚴核陋規大加裁減以恤民隱而速輸將本部  
院訪聞征糧積弊浮費實多有言州縣藉以辦公者名爲漕  
餘有以刁劣矜民漁利分肥把持漕務者名曰漕口此外上  
司衙門則有漕規漕館名色州縣衙門則有書差包徵揭墊  
勒取利息等弊凡此浮費之所出無非百姓脂膏雖各屬情  
形不一傳聞未必盡同而弊累相因在所不免當此民情浮  
動民力艱難之時草野之怨咨四起莠民之煽惑有辭與其  
周章於事後曷若籌畫於機先合亟札查札到該司立即遵  
照會同該道迅速妥籌辦理凡有漕各屬確查向定徵數如

係完納僅敷變解應聽照舊章辦理此外弊重累民之處或應分別裁減或應實力禁革務卽秉公核定督飭地方官妥議傳諭紳民迅速完繳務使國計民生兩有裨益斷不準該官吏諱飾消彌亦不得名去實存仍滋擾累如辦理確有把握卽限令文到五日內出具本年十月十一月兩月三批掃數解清如有把抗滋事統惟該牧令是問情愿從嚴參辦印結稟齋備查儻經此次特札查辦之後官吏士民尙思藉漕折自潤私囊多方巧取或被官吏稟許或被受害人民控告或經本部院訪查官吏則立登彈章漕口及丁書差役則立斃杖下本部院斷不稍爲姑息致厲民誤餉自重愆尤也  
懍之切切此札

先是湘潭舉人周煥南等條陳漕規已奉

批準在案善邑監生陳宗樸生員黃一心等會商紳民做照潭規具稟奉

院批準並飭永遠遵行

- 一漕米每石繳紋銀一兩三錢耗米在內繳助軍餉紋銀八錢均係庫平比兌如用錢平每兩補平銀四分外繳辦公各費銀一兩三錢以省城公議錢平比兌
- 一南米每石繳折銀七錢外繳辦公銀七錢均錢平比兌
- 一民屯正餉每兩外加平水耗羨銀四錢津費每兩外加平水雜費銀二錢均以錢平比兌
- 一咸豐元二三年或有舊欠邀恩帶征俾得先完本年錢

漕其甲寅年舊欠均做湘潭所議照本年定規完納

一各項銀兩除漕折軍餉用紋銀外總以九三元銀彈兌若

用紋銀均作九三折扣如以錢兌照時價扣算

一民屯津串票每張出錢十五文糧餉更名過冊每戶出錢

一百文如有添收每戶出錢一十文

一助餉銀兩以截串為準俟江面肅清公請邀免

附載咸豐五年陳宗樸等公稟 撫憲原詞

為公懇做照以完糧餉事竊潭邑舉人周煥南等條陳漕米

定局已奉批準在案生等近在省城尤應踴躍報効各都士

民均願漕米每石繳庫平折銀一兩三錢外孤貧米每石繳

錢辦公銀一兩三錢耗米歸入漕折南米及願輸元銀一兩

折銀七錢外繳辦公銀七錢民屯正餉每兩願輸元銀一兩

四錢平水耗羨在內津費每兩願輸元銀一兩二錢稍濟軍餉

費在內除漕折用庫平外統照省平交納以歸畫一錢平水雜

兌照時價扣算一以稍助軍餉一以保衛身家因與湘潭糧

餉數目多寡不同是以稍為通變是否當公懇與大人台

前賞賜批準施行深為公便上稟奉 批據呈該縣漕米各

都士民均願每石繳庫平折銀一兩三錢外孤貧米每石繳

錢辦公銀一兩三錢耗米歸入漕折南米及願輸元銀一兩

折銀七錢外繳辦公銀七錢民屯正餉每兩願輸元銀一兩

四錢津費每兩願輸元銀一兩二錢稍濟軍餉等情具見踴

躍急公殊堪嘉尚自可俯如所稟辦理惟以合邑公事止據

該生等數人具呈是否各花戶意見相同該生等果否確有

把握並何時可以掃數全完不致蒂欠貽誤要需詞內未據

切實聲敘又民屯正餉津費統用元銀省平復與漕折辦理

互異仰糧儲道會同布政司即飭該府逐一查明據實稟復

母違

咸豐六七年書吏串紳傳啟改議增加周以南等以弊革復

庄具控又以藐批另議控迭奉

院批仍照咸豐五年釐定章程完納所有加增各弊飭縣嚴行

革除 又署善化縣陳以米價低昂不齊必酌量貴賤以平

市價於前議條程逐件請加奉

院批駁復嚴行札飭錄札為札飭事茲據監生周以南等以復以藐批另議具呈該縣復生控告當經本部院批飭在案今蠹書從中舞弊即將原詞並稟飭發為此札到該司速轉飭縣秉公具報儻再任書吏藐法從中需索浮勒病民即以浮收舞弊重加法懲毋違切切此札

十一月十二月  
上諭戶部議奏明歲為

皇上建元之始懇自咸豐九年以前錢糧實在民欠概行豁免

同治元年

詔自咸豐十一年十二月三十日以前所有各省錢糧實欠在民者概予蠲免又

詔見在有軍務省分咸豐九年以前民欠地丁錢糧奏銷到部未齊者概予豁免

四年

詔湖南各州縣衛節年被水被旱被擾緩征正耗錢糧民欠未完者自咸豐九年以前一律豁免

十一年九月

大婚禮成欽奉

恩詔蠲免各直省民欠錢糧 部議請將同治六年以前民欠緩征概予蠲免

光緒元年

上諭朕寅承丕緒撫馭萬方允宜祇遵 成憲特沛恩綸所有各直省民欠錢糧即著戶部酌核奏請蠲免用

示子惠元元至意



部議請將同治六年以後十年以前民欠錢糧概予豁免

善化縣志卷之八終

